



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

§. IV. Beatus Augustinus suspirat ad cæli gaudia.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

**DIVINUS AMORIS TENACIOLUM** cula sæculorum. Ibi divitiæ & delectationes omnigenæ abundant.

**Quinta.** In paradiso pax est imperturbabilis, omnem sensum exuperans: & requies beata, omnem intellectum excedens. Ibi sancti omnes torrente divinæ voluptatis assidue potantur, & præ deliciarum affluentia dulcissime in Deum colliquefcunt: nam clara perenni que contemplatione melliflui vultus Dei donati sunt.

**Sexta.** In cælesti Jerusalem omnes cives Patrem & Filium & Spiritum sanctum, unum summè appetibilem Deum ardentissime diligunt, & ejus suavissimis amplexibus pro voto semper fruuntur. Deo perfecte uniti, atque in eum feliciter absorpti sunt, & incretam ejus bonitatem dulcedinemque plenissime gustant. Deum intra se possident, & ab eo amorosissime possidentur.

**Septima.** In supernâ Dei civitate, dulce nimis est familiariter vivere & conversari cum Domino Jesu, & cum sanctissima ejus genitrice virgine Maria. Dulce est, eternam societatem habere cum amabilibus splendidisque spiritibus Angelicis. Dulcis valde est humilitas, concordia, & charitas mutua omnium Beatorum. O quam gratiosa, quam læta, quam numerosa est cælestis illa familia Dei!

**Octava.** In lucidissimo templo, & admirabili domo Domini, beatitudo Sanctorum abundantissima

est. Eorum claritas, pulchritudo, honestas, lætitia, potestas, opulentia, & gloria, prorsus est ineffabilis atque incomprehensibilis. Omnes ibi florida juventute gaudent: omnes sunt filii Dei, & præcellentes immortalesq; Reges ac Reginæ.

Benignissimus Jesus, pro imensa pietate & misericordia sua, dignetur me miserum admittere ad cælestem illam hereditatē, quam ipse pretioso Sanguine suo, vitalique morte sua mihi comparavit: dignetur me perducere ad seipsum, qui est summum & incommutabile bonum meum, Amen.

## S. IV.

*Beatus Augustinus suspirat ad cæli gaudia.*

Tri. in lib. 149.

*Quanta fiducia custodire debeamus possessionem æternæ beatitudinis, pro qua vobis commendat Christus Sanguinem dedit.*

Suspiria ad vitam beatissimam dicitur servare, quæ tantum dicitur Christi merito esse.

**E**t a suspiremus, & de suspirio Egemamus: exæstuet anima nostra beatę illius visionis & sanctæ pacis desiderio. Quid verò sumus, ut tantum bonum accipiamus? Mortales, projecti, abjecti, terra & cinis. Sed numquid pro minimo habet Deus hominem, propter quem incarnari & mori voluit unicum Filium suū? Attendamus ad judicium dilectionis. Tenemus mortem Christi, tenemus Sanguinem Christi. Erigat ergo se humana fragilitas; non desperet, non se collidat.

non

DEVI  
AMORIS  
IGNIA-  
MOLUM

non se avertat. Non dicat: Non  
ibi ero. Qui promisit, Deus est: &  
venit vt promitteret, apparuit  
hominibus, venit suscipere mor-  
tem nostram, promittere vitam  
suam. Promisit nobis, quodd ibi  
futuri sumus unde venit, & ait:  
Pater, volo ut ubi sum ego, & ipsi  
sint mecum. Tanta præcessit di-  
lectio, & tam benigna promissio.  
Quid tibi promisit Deus, o homo  
mortalis? Quia victurus es cum  
eo in æternum. Non credis? Cre-  
de, crede. Plus est quodd jam fecit,  
quàm quodd promisit. Quid fecit?  
Mortuus est pro te. Quid promi-  
sit? Ut vivas cum illo. Incredi-  
bilis est quodd mortuus sit æter-  
nus, quàm quodd in æternum vi-  
vat mortalis. Jam quodd incredi-  
bilis est tenemus. Speremus er-  
go, amemus, desideremus, ut cum  
venerit quodd credimus & non vi-  
demus, sine fine gaudeamus.

S. V.

*Verba admodum amorosa, qua com-  
mendata memoria, & devotè ru-  
minata, animam Deo suaviter  
conjungunt.*

Aspira-  
tiones ad  
Iesu Chris-  
ti amo-  
rem.

**D**ULCIS & amabilis Iesus mi-  
hi præsens est: ego illi reve-  
renter & amanter intendere de-  
beo.

O utinam ipse me pretioso fan-  
guine suo ablueret, perfecteque  
emundaret ac sanaret, & splen-  
dore gratiæ suæ illustraret!

O si vulneret cor meum inti-  
mè, & hoc prorsus emolliret, atq;

inebriaret melliflua charitate!

O utinam totus arderem, to-  
tus concremarer, & liquefierem  
igne amoris ejus.

Peto, opto, desidero, ut Rex il-  
le cælestis, qui dignatur sponsus  
esse animæ meæ, dignetur etiam  
me sibi placentem reddere. Amen.

*Alia.*

**J**ESUS dulcedo cordium,  
Fons veri, lumen mentium,  
Excedens omne gaudium,  
Et omne desiderium.

Jesus sole lucidior,  
Et balsamo suavior,  
Omni dulcore dulcior,  
Et cunctis amabilior.

Jesus decus Angelicum,  
In aure dulce canticum,  
In ore mel mirificum,  
In corde nectar cælicum.

Bonum mihi diligere  
Iesum, nil ultra quærere,  
Mihi prorsus deficere,  
Ut illi queam vivere.

Amor Iesu me afficit,  
Ejus dolor me reficit:  
In hunc mens mea deficit,  
Solut amanti sufficit.

O beatum incendium!  
O ardens desiderium!  
O dulce refrigerium  
Amare Dei Filium!

Hic amor ardet dulciter,  
Dulcescit mirabiliter,  
Sapit delectabiliter,  
Et delectat feliciter.

Quàm grata, quàm vernantia,  
Quàm mellita, quàm fulgida

*Exclama-  
tiones  
rhythmicæ  
ad Iesum*